

¡BOMBA!

Con John loco, como cabra,
y Helene amenazadora,
ahora esto nadie lo ignora:
¡no hay huracán con palabra!



K'uintsil

Edición de fin de semana, del viernes 27 al lunes 29 de septiembre de 2024

CAMPECHE · YUCATÁN · QUINTANA ROO · AÑO 10 · NÚMERO 2329 · www.lajornadamaya.mx

CHAN YA'AX BOK, CH'ÍICH' SUUK U MÁAN TU JUUNAL

Ku yila'al tu beelilo'ob ja'. Kaja'an tu K'áaxil Área de Protección de Flora y Fauna Laguna de Términos, tu lu'umil Kaanpech. U sientifikoil k'aaba' le ch'íich'a' Butorides Virescen, juntúul chichan bok, ich káastelan t'aane' garcita verde. Suuka'an u máan tu juunal, tu'ux piim kuxa'anil che'ob, ba'ale' wa ku máan tu'ux jéechkabe' ku yila'al ch'íichnak, tumen mantats' u péeksik u nejo'ob, ts'o'oke' ku péeksik xan tak u p'oot.

Juntúul ch'íich' k'as chichan, tumen keen nojochchajake' cheen ku p'isik tak 44 cms u chowakil. "Tu kaale' chiika'an beey juwuuts u k'u'uk'mel ku jéets'el tu wiinkilal", ku ya'alik Jacqueline May Díaz, máax beetik u k'aytajilo'ob Desarrollo y Medio Ambiente.

Le ts'o'ok u nojochtal'oobe'

yaan u leelem p'oot boox ya'ax; ka'alikil tu paache' k'as boox yéetel samal boox, ba'ale' ku leelem u ya'axil wa u ch'o'ojol.

U xch'upil ch'íich'e', keen nojochchajake', maas mejentak ti' u xiibil yéetel u k'u'uk'mele' ma'atech u jach léembal.

"U ya'abil tu táankelemile', ma' jach leelem u boonil u pool, u kaal yéetel kaabale' k'as boxchak yéetel sak, yéetel u xiike' k'aank'a".

Xbiologáa Estela Díaz Montes de Oca tu tsolaj ch'íich'e' kaja'an jaal ja', wa tu'ux jach eets'el ja', tu'ux ku ch'úuktik u yooch. "Ku jaantik mejen kay, muuch wa u yik'elo'ob ja". Yaan k'iine' ku puliko'ob wa ba'ax te'el ja'ot' t'al beyo' u béeytal u chukiko'ob kay ku ts'aakubáaj u jaanto'ob, tumen maas ma' talam beyo". Suuka'an u máan chuuk de k'iin.